

Aatsitassarsiorfinni isumannaallisaaneq peqqissuserlu pillugit ILO-p isumaqatigiissutaanut nr. 176-imut Kalaallit Nunaata ilaatinneqarnissamik kissaateqarneranik Kalaallit Nunaanni Namminersorlutik Oqartussat nalunaaruteqarnissaat pillugu Inatsisartut aalajangiiffigisassaattut siunnersuut.

Akissuteqaat

(Inuussutissarsiornermut Aatsitassanullu Naalakkersuisoq)

Aappassaaneerpeqarnera

Inuussutissarsiornermut Ataatsimiititaliap Naalakkersuisut isumaqatigalugit aatsitassarsiorfinni isumannaallisaaneq peqqissuserlu pillugit ILO-p isumaqatigiissutaanut nr. 176-imut Kalaallit Nunaata ilaatinneqarnissamik kissaateqarneranut qujassuteqarfigerusuppara.

UPA 2012-imi ulloq 18. april 2012-imi siullermeerneqarnerata kingornatigut aalajangiiffigisassatut siunnersuut Inuussutissarsiornermut Ataatsimiititaliamit misissorneqarpoq.

Inuussutissarsiornermut Ataatsimiititaliap isumaliutissiissuteqarsimavoq, tassani takuneqarsinnaalluni ataatsimiititaliap aallaqqaammut Kalaallit Nunaata nunat tamalaat isumaqatigiissutaannut peqataalertariaqarneranut Naalakkersuisut isumaqatigigai, taamaaliornikkummi nunarsuarmioqatitsinnut takutissagatsigu Kalaallit Nunaata sulisut isumannaatsuunissaat peqqissuunissaallu pimoorukkai. Ataatsimiititaliap nangippoq nunatut ineriartorfiusutut sulinermi avatangiisinut tunngassuteqartunik annertuumik illersuereersutut Kalaallit Nunaat soorunalimi nunat ilagisariaqaraat sallersaasusaaq nunarsuarmi sumiluunniit aatsitassarsiornermik sulisut sulinerminni atugarisaannik isumannaatsuunissaannillu tapersersuisoq. Ataatsimiititaliap isumaqarportaaq Kalaallit Nunaat ajornaquteqanngitsumik Kalaallit Nunaanni sulinermi avatangiisit pillugit malittarisassaqaamat atuutereersunik nunat tamalaat isumaqatigiissutaanni aalajangersakkanik malinnissinnaassasoq.

Aningaasaqarnikkut kingunerisassai eqqarsaatigalugit ataatsimiititaliap Naalakkersuisutulli isumaqarpoq nunat tamalaat isumaqatigiissutaannut peqataalernikkut aningaasaqarnikkut kingunerisassai annikitsuinnaassasut aningaasartuutaanerulersullu tamakku Naalakkersuisoqarfinnut aningaasaliissutit iluanniitinneqarsinnaassasut. Oqaatigineqarlunili siunissami aatsitassarsiorfinnik nakkutilliinermut aningaasartuutit amerlerianngitsoornavianngitsut, maannakkut aatsitassarsiulernissamik pilersaarutit aatsitassarsiorfinngorlugit piariissappata ineriartortinneqarlutillu. Taamaakkaluartoq ataatsimiititaliap tamakkununga atatillugu tamakku malitsigisaannik aningaasaqarnikkut kinguneriumaarsinnaassaat tikkuassallugit pissutissaqannginnerarpoq, tassami nunami sulinermi avatangiisinik nakkutilliineq Naalagaaffimmit isumagineqarmat aningaasalersugaallunilu.

Ataatsimiititaliap isumaqatigiissup siunnersuut akuerineqassasoq inassutigaa.

Naalackersuisut matumuuna inassutigaa Inatsisartut aalajangiissasut Kalaallit Nunaanni Namminersorlutik Oqartussat aatsitassarsiorfinni isumannaatsuunissaq peqqissuunissarlu pillugit ILO-p isumaqatigiissutaanut nr. 176-imut ilanngunnissartik kissaatigigaa.